

彙 明清以來公藏書目 刊

本社古籍影印室 輯 北京圖書館出版社

46





明清以來公藏書目

彙

本社古籍影印室 輯 北京圖書館出版社
MINGQING YILAI GONGCANG
SHUMUHUIGUAN

46

刊



第四十六冊目錄

浙江藏書樓甲編書目		一
浙江藏書樓乙編書目		一二三三
浙江圖書館書目	保存類・觀覽類・經部・史部	三六一

浙江藏書樓甲編書目

依五篇書數甲子書目

浙江藏書樓

甲編書目

辛州道人題

光緒丁未春
第一次刊行

跋

溯自百家九流造述日富七略四部著錄益繁而得讀中秘書者一二侍從之外初無聞焉我

朝右文邁唐軼漢乾隆四十七年

頒賜四庫全書於江浙建閣以處杭州

錫名文瀾

詔許傳寫典至鉅也廼者風會所趨新知大啓輜軒重譯遍及五洲默觀泰西各國進化之速夫豈偶然蓋教育普及以學校植其基文化旁通以書樓博其趣內外古今政治藝術圖書載記罔不搜羅儲藏之庫咸得覽觀是以兵農工商具有學識洪惟

聖君泰山河海不棄壤流將欲集乎大成冠冕萬國凡我
臣庶仰體


宏旨奮然而興癸卯冬 前學使侯官張公就東城舊設
之杭州藏書樓改爲浙江藏書樓移建於大方伯里
詳訂章程俾官紳士民之未入學校者皆可閱借經
書既定學使上其事蒙

御賜敦彝牘慧扁額所以嘉惠士林作興儆造者

先聖

後聖一軌同符復以不才與胡君煥監理樓事於茲三年
謹就已備各書分類輯略成目二卷爲甲乙編通計
得六萬九千九百卷有奇甲爲國粹之保存乙則循

附錄外編之例體用該備化學兼資展卷瞭如藉快
先覩雖方之各國所藏百不逮一而精要之言固無
取繁博時日所積亦漸期擴充庶足輔學校以造成
有用之才云爾光緒丁未春錢塘楊復謹識



浙江藏書樓閱書借書章程

一書樓之設原以廣開民智造就人才無論進士舉人貢監生童但志在通知古今中外者均准入樓閱書借書

一浙江課吏館洋務局已經創辦尙未多儲書籍無論何項科甲捐班保舉人員均准入樓閱書借書以爲仕學之助但當一律遵守定章免致司書人爲難

一每年開閱停閱之期均先預定不得參差常以正月二十一日開樓六月初十日閉樓七月十一日開樓十二月二十日閉樓

一每月以星期一爲假期均不開樓

一每日啓閱時刻自三月至八月上午八點鐘起下午五點鐘止九月至二月上午九點鐘起下午四點鐘止

一到樓閱書者應邀妥實保人至樓掛號注明如有污損遺失代任賠償即由本樓發給憑照注明閱書人及保人姓名當面畫押交本人收執

一到樓將憑照驗過另與閱書小據注明要取何書聽其指閱

一領書一次不得逾三本開明小據交司書照取閱畢即行點還塗銷原據每日祇准換領一次

一有屏之人偶爾到樓查書何書何卷亦須開明小據交司書檢交查畢即還將小據塗銷惟每日換取不得過三次以杜紛擾

一書樓下關稿室以待閱者桌椅等物一切齊備應共爲護惜勿任火燒刀割拍損蹴裂此外如有號呶爭鬪不成事體者立將憑照扣除損失書件仍責

問賠償

一本樓預備茶水不准茶房需索分文惟在樓午餐自向厨役言明計資

一取閱何書開明小據由司書取交閱書者不得上樓自取

一不能親到書樓閱書者准先交質銀伍圓邀同妥實保人到樓取給憑照外另與借書憑摺一扣指借某書開明摺上蓋一小印隨時送交本樓以便司書按取交閱

一借書人所交質銀本樓於憑照上注明俟年終發還其有隨時停借者亦隨時發還發還時均繳回憑照

一借書不得逾三本圖表不借其逾期至五日以外不繳者本樓動聽差人自往索取逾期三次即將憑摺扣除如書籍查無損失仍將質銀發還

一閱書借書人如遷延不賠及無力賠償者責成保人賠償

一各種日報及旬月報等類擇其議論純正不背名教者隨時購辦與書籍一體發閱取閱何報即載明閱書小據惟多不得逾五種亦不得外借以省煩碎

一未領閱書憑照不閱書而專閱報者一概不准

一各書件少則一分多或二三分無論閱借均以簿錄先後爲次

一憑照憑摺如有遺失本人可邀保至樓言明銷去存根換立照摺其原照原摺作爲廢紙

一閱書借書人收遠出或止閱止借須將照摺送還本樓塗銷否或照摺落他人手致損失書件仍惟領照摺人是問

一閱書人聽攜筆墨入內鈔錄惟不得將書籍圈點塗抹借書亦然還書時應由司書詳細翻查有圈點塗抹者雖無損失亦令賠償

一監理司書遇閱書借書人宜禮敬有加和平相處當差人尤當小心伺候如或以閱書人來自田間舉止樸樸稍生慢心卽由監理查明懲處

一閱書借書人遇監理司書亦宜禮敬有加和平相處不得以檢書稍遲語言

小失輒主恃衆喧譁致遠大雅

一閱書借書人有將書籍污損不可收拾或竟遺失不肯賠償反恃強譁諍者

由監埋陳明 提學使查明屬實無論官士一律分別懲儆

